

陶雲汀先生奏疏

奏疏卷三十三目錄

江督稿

安化陶

恭報湖漲見消各工平穩漕船渡黃順利摺子

恭謝

御賜藥錠摺子

保奏堪勝水師總兵摺子

率獲老虎涇臬匪多名飭審摺片

請將緝捕得力之守備仍畱原省陞用摺片

海州沐陽被淹請將應徵新舊錢糧展緩摺子
酌定楚西等省鹽船到岸限期竝杜夾帶盜賣

各弊摺子

委令降調道員赴楚會辦漢岸積弊摺片

發交兩淮變價參勛請暫緩領摺片

恭報重運漕船全數渡黃完竣摺子

請鼓勵催漕出力人員摺子

恭報湖漲見消各工平穩漕船渡黃順利

總河會稿

奏爲洪湖漲水見消各工保護平穩竝重運渡黃
順利尾幫已催過險要汛地各情形恭摺

奏慰

慈懷仰祈

聖鑒事竊查清水敵黃漕行順利惟洪湖異漲加意

防守各情形經臣等於本月十四日恭摺具

奏在案茲旬餘以來臣等校織往來督同各該道

廳搜護石工籌備料石察看水勢催僱軍船不

容一刻稍懈疊據高埧山盱兩廳具報洪湖水
勢日落一寸截至二十七日止其消水一尺二
寸誌椿現存水一丈八尺一寸所有應行樓護
段落已一律完竣其揚糧廳洩水各橋壩因分
涵東趨重運行走倍形艱險一月以來清高於
黃而重運幫船每日渡黃不過四五十隻皆由
該處吸涵稽遲之故幸前委令在彼專辦之河
營叅將張兆竝漕務守備劉燦等會同道廳營
設法涵水釘椿挽度關絳策勵人夫竭力儼進
茲據具報尾幫湖南三幫船四十八隻已於二

十七日挽過邵伯鎮祇有南昌後幫船一隻又經吸入鳳凰橋口門仍卽設法挽入運河跟幫行走並無損傷惟漕務候補千總楊大勳正在船頭督押絞關適因纜斷被關翅打翻落水經歷一時撈救得甦查往年重運經行其扼要機宜總在清黃交滙處所今年挽運之難又在揚糧運河境內茲尾幫已行過鳳凰橋等至險之地卽可嚴督速行計月初可以竣事再容循例馳

奏揚糧廳三溝開誌椿水勢仍在報長現存一丈

七尺九寸較上年盛漲尙大至一尺二寸先經接啟壁虎北橋稍爲助洩現在尾幫已竣臣等當卽飛飭將臨運東岸之灣頭閘壁虎南橋八字河等處趕緊啟除以暢歸江之路仍俟重運渡黃再將洪湖之智壩義禮二河酌量啟放維時下游湖河水面當已騰空可資容納而洪湖水勢得能再消尺餘卽使續有漲水亦不致盛滿爲患重運三進幫船截至二十七日止已渡黃四千零二十四隻日來天氣晴和竝無風暴湖水現存一丈八尺一寸雖較上年盛漲尙大

硃批

二尺而搶護籌防得以應手辦理尤幸旬日以
來黃水亦復遞落外南廳順黃壩誌椿現存三
丈四尺八寸清水所辦甚好深慰朕懷仍行暢出軍船渡黃極爲迅
速凡此事機順利化險爲平皆由我

皇上至誠感格

河湖神祇靈昭效順之所致非臣等才識所能冀
倖於萬一也至北運河水勢仍屬充裕據報挽
出江境船共二千二百二十二隻合併陳明所
有漲水見消各工防護平穩及漕行順速各緣
由謹合詞恭摺具

奏伏乞

皇上聖鑒謹

奏

道光十一年四月二十八日具

奏五月十八日奏到

硃批知道了欽此

恭謝

御賜藥錠摺子

奏爲恭謝

天恩事竊

臣

齋摺并回捧到

恩賞藥錠當卽恭設香案望

闕叩頭祇領欽惟我

皇上治握珍黃

麻凝保赤

風行解慍

虞絃之化育宏宣

澤洽好生

堯甕之和甘普被準熒調於寒燠

念軫民依辨佐使於陰陽劑量物性金砂燦爛剛披
德水以澄鮮玉屑紛敷遠褻神苗而馥郁采上
池之靈液允宜百和香含分

中禁之仙方尙帶三瀛露潤臣才慙蔭暘志凜飲
冰曾未効於涓埃屢仰承於

寵賚精同鍊冶榮叨

天上之光華功在醫瘡粒憶盤中之辛苦所願慎節
宣而羣生永賴愆伏全消長此歌保定於

聖壽無疆

康疆逢吉所有臣感激下忱謹具摺恭謝
天恩伏乞

皇上聖鑒謹

奏

道光十一年五月初九日具

奏六月初四日奉到

硃批覽欽此

保奏堪勝水師總兵摺子

奏爲遵

旨遴選堪勝水師總兵恭摺保

奏仰祈

聖鑒事竊照上年十月內准兵部咨欽奉

上諭現在記名應用水師總兵人員已經用竣著兩江閩浙兩廣總督各於水師副將內遴選堪勝總兵者保奏一二員送部引見候朕記名以備簡用

欽此臣當查江南省竝無外海水師副將僅有內河水師之太湖營副將李恩元京口協副將

田松林二員未敢遽行保送附片

奏明在案茲准兵部行文催令欽遵前奉

諭旨遴選堪勝水師總兵伏查總兵爲專闢大員水師有巡洋之責非才猷諳練曉暢營務不足以資統馭而重海疆臣數月以來復詳加查察太湖營副將李恩元年五十八歲江南武舉歷任劉河幅山吳淞等營水師將備曾經拏獲在洋盜賊首夥各犯多名竝巡護海運漕糧出力議敘一等海陸京口水師副將於道光八年五月

內引

見受劄旋經前督臣蔣攸銛以該員於江浙交界湖面情形甚爲熟悉

奏准調補太湖營副將上年八月內復經調委署理京口水師副將計歷副將俸已及三年護趙空重漕船均能妥速親督員弁拏獲梟犯調遣尤爲得法於營伍地方水師催巡各事宜皆資整頓該員材技優嫻督率有方於洋面情形亦所暢曉堪勝水師總兵之任謹出具考語保

奏如蒙

俞允容臣另行給咨赴部引

見恭候

欽定所有遴選堪勝水師總兵緣由理合恭摺具

奏伏乞

皇上聖鑒再京口水師副將田松林甫於上年十月
內接受副將劄付資俸尚淺仍須察看容臣另
於副參等次案内出考列等照例咨部辦理合
併陳明謹

奏

道光十一年五月初九日具

奏六月初四日奉到

硃批李恩元著送部引見欽此

挈獲老虎涇臬匪多名飭審緣由摺片

再儀徵老虎涇地方爲商賈往來舟航叢泊之所最易藏奸私臬倭匪雜出其間徃徃推其黠者爲大哥邀約黨羽爭佔馬頭無惡不作臣時加察訪自黃玉林蔣本明獲辦之後有臬目蔣來山綽號蔣四長子在彼勾結潛藏護私抽利該匪時船時陸居址無定均有夥黨護衛稱爲總老大行踪極其詭秘該處人稠地密旣恐查拏時擾及大衆兼以人多易混動輒驚竄必須不動聲色始能擒厥渠魁適京口右營遊擊孫

廷揚因公來浦經臣面授機宜密委往挈旋據該遊擊孫廷揚覓帶眼線踰定梟目連日藏匿老虎涇附近之世業洲尾隨卽會同副將李恩元帶領弁兵改裝易服水陸潛進於四月二十八日四更時分乘梟匪睡熟出其不意四面圍住千總鄭長清首先跳上匪船打破艙門該匪蔣四長子突見官兵來挈卽從被內跳出一躍入水奔逃額外外委劉長清亦躍入水揪挈鄭長清與候補千總李鎮元竝卽赴水揪住把總馬世榮仇定遠額外外委陶得壽李清泰等及

營縣兵役俱集一齊上前將蔣四長子擒獲併
獲夥犯六名詢名張立湯大義撤正蔣小六劉
金元鄧三才在船搜獲刀鎗火藥砂子等物此
外又據把總馬世榮等稟獲許正玉劉元高等
五名又副將李恩元督飭兵役追匪至霍家橋
匪徒在岸放鎗打傷在船額外劉長清水手張
明山該弁等仍卽追拏另獲倖匪王得榮楊大
青耿成等十名併船鹽刀械藥線等物又據候
補千總李鎮元等拏獲梟犯李四趙文光及刀
劍各一口又鄭長清劉長清拏獲王泰來卽王

老談金秀二名各犯赴水奔逃追獲手執撲刀
梟匪一名楊松查點船內均有鐵鎗火鎗樸刀
火藥砂子等物又據署揚營叅將三等子陳述
祖稟獲顧鳳禮李錦秀程儀楨等三名又獲倭
匪曹貫周等五名併刀械砂子等件又據督同
守備李長貴等趕捕倭匪朱連科等十一名內
有戴貴身帶大撲刀一口陶文得身帶順刀等
物又據加都司銜三江營守備陳秉元稟獲鹽
犯劉長青等四名及屯置硝磺倭匪秦彬等五
名窩家劉萬一名併火硝臘杆長鎗九節鐵鞭

撲刀閤香等物以上各犯均係各營縣協獲經
臣飭發署運司俞德淵督同府縣嚴訊詳辦俾
資整飭理合附片具陳伏乞

聖鑒謹

奏

道光十一年五月初九日附片具

奏六月初四日奉到

硃批緝拏甚屬認真出力者覈實鼓勵欽此

請將緝捕得力之守備仍留原省陞用摺片

再蕪采營陸路守備趙瑾山西武舉上年薦舉

案內

題准部覆行令送部引

見本年署理遊兵營遊擊督率弁兵拏獲梟犯趙鳴

鶴等十餘人竝將拒捕首犯李二擒獲現於四

月二十七日接奉

諭旨緝捕認真必應加恩鼓勵蕪采營守備趙瑾准

其以應陞之缺儘先陞補等因欽此正在欽遵

轉行知照間接閱邸抄趙瑾已由部選陞補直

隸三屯協都司尚未接到部文臣查該員在江
南省已久緝捕勤能現當整頓鹺務嚴拏僥匪
之際正資得力一經陞補他省在該員原仍可
力圖報効而在江南省卽少一諳練可靠之員
合無仰懇

聖恩俯准將趙瑾畱於江南省遇有都司缺出先行
陞補其現選直隸三屯協都司缺卽可歸部另
行選補又蘇松鎮標中營遊擊鮑起豹安徽人
由雲騎尉呈改外海水師陞調今職道光十年
預行保舉案內奉

旨准其預保等因欽此自應聽候部中掣補惟查該員於蘇松洋面屢獲盜梟海運案內巡防尤爲出力又京口水師右營遊擊孫廷揚江蘇阜寧縣人山武舉洊陞今職該員歷遊擊俸將屆三年竝於海運出力催償漕船掣獲大夥私梟各案內經臣先後

奏准議敘加二級現又密掣首犯蔣來山卽蔣四長子就獲有勇有謀緝捕甚爲得法該二員均係江蘇省外海內河水師中情形熟悉不可多得之員且鮑起豹籍隸安徽孫廷揚籍隸阜寧

並無應行迴避叅將之缺仰懇

天恩俯准俱畱於江蘇省遇有外海水師叅將缺出
分別陞補如蒙

俞允不但該員等感激思奮於地方海洋鹽務均有
裨益謹附片陳明恭候

諭旨遵行伏乞

聖鑒謹

奏

道光十一年五月初九日附片具

奏六月初四日奉到

硃批因事制宜量爲變通不可動輒引以爲例也另有旨欽此同日奉到道光十一年五月二十日內閣奉

上諭陶澍奏請將緝捕得力之守備遊擊仍畱原省等語江南蕪采營陸路守備趙瑾著准其畱於江南遇有都司缺出先行陞補其現由部選陞直隸三屯協都司之缺著該部另行選補又蘇松鎮標中營遊擊鮑起豹京口水師右營遊擊孫廷揚俱著准畱江蘇省遇有外海水師叅將缺出分別陞補現當整頓淮澁之際朕念其因事制宜量爲變

通此次姑允所請嗣後不可動輒引以爲例也欽
此

海州沐陽被淹請將應徵新舊錢糧展緩摺子

蘇撫
會稿

奏爲海州沐陽二州縣境內麥苗間有被淹收成
歉薄請將應徵本年上忙等項錢糧及屆限應
徵歷年民欠未完新舊漕價銀兩懇

恩分別展緩以紓民力仰祈

聖鑒事竊照海州沐陽贛榆宿遷等州縣本年交春
以來雨雪連綿二三月間節次雷雨低窪積水
難消麥苗間有被淹受傷業經臣程祖洛於三
月分雨水糧價摺內附

奏情形一面飭司委員確勘詳辦去後茲據江寧
布政使陸言詳稱飭據該管道府委員勘覆除
贛榆縣先經被淹旋即消涸堪以照常徵輸宿
遷縣積水亦已陸續消退二麥尙屬有收應俟
秋後察看豐歉情形再行辦理外惟查海州沭
陽二州縣境內窪地積水較深宣洩不及二麥
被淹日久不能一律長發收成已形歉薄據海
州知州謝肇瀛稟請將西南鄉之濫泥洪申明
亭西門鎮石湫鎮青伊鎮湖東口下坊鎮卓王
河平明鎮卸甲坊王家溝高橋鎮高墟鎮臨洪

鎮東南鄉之莞濱鎮新安鎮湖坊鎮鐵牛鎮張
家店大伊鎮板浦鎮南崗鎮龍苴鎮新壩鎮港
河鎮等共二十五鎮並西南鄉之興谷房山南
榴白塔埠等四東半鎮應徵本年上忙地丁河
銀蘆課等項錢糧及十年漕價銀兩俱緩至本
年秋後啟徵又據沐陽縣知縣王夢齡稟稱境
內窪地被淹較重之興隆鎮韓山東保八堰廟
鎮黃軍營鎮十字橋西保棗子埠鎮賢官亭中
保下保桑墟鎮華沖鎮東流下保等六鎮五保
應徵本年上忙地丁土方河租並道光十年漕

價及道光八年初限九年未完民欠漕價請展
至本年秋後徵完又被淹較輕之漢坊鎮及下
寺南保塘溝頭保二保韓山一四二三各保讀
書西保新挑河南保廟頭西保東流上保中保
等一鎮十二保未完新舊漕價亦緩俟本年秋
後徵解至極窪減則田地應徵蘆葦草場等銀
竝請查照成案一律緩徵各等情由司詳請具
奏前來

臣

等覆加察覈海州沐陽二州縣境內低

窪處所本係積歉之區上年雖屬有收元氣未
能盡復現當青黃不接之際麥苗收成旣形歉

薄民力不無拮据委係實在情形仰懇

皇上天恩俯准將海州境內東南西南二鄉濫泥洪
等二十五鎮並西南鄉之興谷房山南欄白塔
埠等四東半鎮應徵道光十一年上忙地丁河
銀蘆課等項錢糧及道光十年漕價銀兩又沐
陽縣境內興隆等六鎮五保應徵道光十一年
上忙地丁土方河租並道光八九十等三年漕
價銀兩同漢坊下寺南保等一鎮十二保未完
新舊漕價銀兩一併緩至本年秋後啟徵其沐
陽縣極窪減則田地應徵蘆葦草場等銀並請

一律緩徵以紓民力感戴

天恩實無紀極臣等謹合詞恭摺具

奏伏乞

皇上聖鑒訓示謹

奏

道光十一年五月初九日會

奏六月初八日奉到

硃批另有旨欽此同日奉到道光十一年五月二十

二日內閣奉

上諭陶澍等奏請將麥苗被淹之州縣應徵錢糧漕

項分別展緩一摺江蘇海州沐陽二州縣本年春間雨雪連綿窪地積水較深二麥間有被淹收成歉薄民力不無拮据加恩著照所請准將海州境內東南西南二鄉濫泥洪等二十五鎮並西南鄉之興谷房山南樞白塔埠等四東半鎮應徵道光十一年上忙地丁河銀蘆課等項錢糧及道光十年漕價銀兩又沐陽縣境內興隆等六鎮五保應徵道光十一年上忙地丁土方河租並道光八九十等三年漕價銀兩同漢坊下寺南保等一鎮十二保未完新舊漕價銀兩一併緩徵至本年秋後

啟徵其沐陽縣極窪減則田地應征蘆葦草場等
銀亦著一律緩徵以舒民力該部知道欽此

酌定楚西等省鹽船到岸限期並杜夾帶盜賣
各弊摺子

奏爲酌定楚西等省鹽船到岸限期並委員巡緝
以杜夾帶盜賣各弊仰祈

聖鑒事竊查兩淮鹽額每年應行引一百六十九萬
五千道零自道光六年丙戌綱銃引五分未行
七年丁亥綱全銃未行八年戊子綱亦銷未完
數九年己丑綱雖報行鹽七分仍多未行至十
年庚寅並未開綱此五年內通計牽算每年僅
銷引七十餘萬道且戊子己丑二綱仍有已請

未運引十三萬七千八百三十餘道統計每年所銷之鹽不及額引十分之四皆由私鹽佔礙銷數而船戶串同商夥商廝私帶鹽觔沿途逗遛盜賣或捏報泔消或私自折回購買私鹽復行運往展轉耽延動輒經歷半年數月之久方始到岸實爲官引滯銷之根必須整頓查楚省商運江船行走限期定例自儀徵開行裝四五六七百引之小船限一個月到岸裝八九百引至一千二百引之中船限四十日到岸裝一千三百引以上至二千四百引之大船限兩個

月以內抵岸倘遇風大難行該商將實在不能
依限緣由報明該地方官轉報行銷省分督撫
鹽道稽查如沿途無故逾限分別責懲等因是
舊例本爲周密惟運鹽至江西省向未定有限
期應卽仿照一律酌定查儀徵至楚省漢口地
方計程一千六百餘里儀徵至江西星子縣青
山地方一千四百餘里以楚省限期比較其小
船應定限二十日中船定限三十日大船定限
五十日責成淮南監掣同知於商人僱船運鹽
前赴楚西必視引數之多寡定僱船隻之大小

總以裝滿九分爲率不許畱有空艙致多夾帶
至安徽河南各口岸鹽船旣分江湖兩運兼有
換船起剝之處與楚西之專行大江者不同其
船亦竝無大小應以淮安城北烏沙河開運之
日起定限每日行三十里將盈補絀按程途之
遠近扣日期之多寡責成淮北監掣查驗開行
均不得畱艙夾帶仍將開行及到岸限期竝勾
量喫水尺寸另給催僨限單抵岸投驗由各該
鹽道認真查對倘有中途風水阻滯亦照楚省
舊例准其據實呈報如逾限不到卽行查辦根

究庶商人船戶知有定限自不敢任意遲延至夾帶賣私之弊楚西一路爲甚往往鹽已賣盡卽捏報滄消溯查從前曾委武職叅游守備分在江面巡緝嗣於嘉慶年間因日久懈生議以裁撤應請仍復舊規每屆半年酌委叅遊守備或文職二員自儀徵大江溯流巡緝至湖口分路一往江西一往漢口仍由原路查回儀徵換員前往接巡旣責以訪查夾帶賣私捏報淹消等弊又可沿途催儆行運則諸弊可冀漸除所委之員仍隨時查察勤惰分別勸懲用昭覈實

所有酌定鹽船到岸限期及委員巡緝緣由理
合恭摺具

奏伏乞

皇上聖鑒謹

奏

道光十一年五月初九日具

奏六月初四日奉到

硃批另有旨欽此同日奉到道光十一年五月二十

日內閣奉

上諭陶澍奏酌定楚西等省鹽船到岸限期並委員

巡緝以杜夾帶盜賣一招楚省商運江船行走限期舊例已爲周密惟運鹽至江西省向未定有限制據該督查明程途比較楚省限期酌定著照所議小船定限二十日中船定限三十日大船定限五十日責成淮南監掣同知於商人僱船運鹽前赴楚西視引數之多寡定僱船之大小以裝滿九分爲率不許畱有空艙致多夾帶至安徽河南各口岸鹽船旣分江湖兩運兼有換船起剝之處其船竝無大小著以淮安城北烏沙河開運之日起定限每日行三十里將盈補絀按程途之遠近扣

日期之多寡責成淮北監掣查驗開行均不得畱
艙夾帶仍將開行及到岸限期並喫水尺寸另給
催儼限單抵岸報驗由各該鹽道認真查對倘有
中途風水阻滯照楚省舊例准其據實呈報如逾
限不到卽行查辦至夾帶賣私之弊楚西一路爲
尤甚往往鹽已賣盡卽捏報淹消從前曾委武職
員弁巡緝嗣經裁撤著仍復舊規每年酌委叅遊
守備或文職二員自儀徵大江溯流巡緝至湖口
分路一往江西一往漢口仍由原路查回儀徵換
員前往接巡責令訪查夾帶賣私捏報淹消等弊

竝令沿途催償行運冊任稍有逗遛其所委之員
該督仍隨時查察勒情分別勸懲總須認真辦理
杜絕諸弊俾鹽引暢銷鹺務日有起色不可虛行
故事日久仍視爲具文以致有名無實該部知道
欽此

委令降調道員赴楚會辦漢岸積弊摺片
再漢岸銷鹽居兩淮通綱之半引課最重無如
岸商浮開費用恣意侵欺弊竇叢生兼水程一
切漫無稽考以致腳私縱橫積滯引鹽前經臣
會同王鼎寶興

奏明刪減岸費而一切弊端尙須大加剔釐事極
繁雜措置甚難前接湖廣督臣盧坤來信必須
公正大員熟悉在揚在岸兩地情形會同鹽道
及委員查辦臣查江蘇道府各有本任公事竝
無候補人員亦無熟悉鹽務之人惟有降調道

員王鳳生曾署兩淮運司深悉揚州漢岸情形
前經

奏准暫畱兩淮幫辦鹽務堪以委令酌帶委員赴
楚會辦以期積弊肅清除檄委外理合附片陳
明謹

奏

道光十一年五月初九日具

奏六月初四日奉到

硃批覽欽此

發交兩淮變價參劬請暫緩領摺片

再臣接准內務府咨本年應發兩淮變價參劬奏明行知兩江總督派員赴京承領等因應卽派員赴京以便屆期領解惟查兩淮奉發變價參劬已欠五年價銀未繳其各年未繳價銀內丙戌丁亥兩年除已解外仍未繳銀三十四萬二千六百四十兩三錢戊子未繳銀二十一萬四千六百九十兩八分己丑未繳銀二十萬九千九百九十三兩四分庚寅未繳銀十九萬六千六百八十四兩四錢以上共該銀九十六萬四

千七兩八錢二分所有欠繳之由緣兩淮奉發
參勛向係上綱奉發之參派於下綱引內徵解
丙戌參價應於丁亥徵完而丁亥綱引統銷無
引徵解除已於庫款內墊解銀七萬兩外嗣因
運庫無款可籌是以尚有欠解之數又丁亥之
價應於戊子帶完時因統丁之後議於戊子卽
完戊子之價將丁亥價銀核入另籌歸補款內
帶完嗣歸補之銀未能照徵又致欠解又戊子
之價係本年徵完應於本年起解緣該綱之銀
爲前綱墊款所佔礙仍致未解分釐其已丑之

價復因已丑只運七分徵收僅有七分之數其餘三分未運之引尙未徵收且已徵之七分又爲庚寅銃引歲支墊款所佔俱經專案

奏明在案至庚寅參價實因是年引未開綱無從徵解此兩淮欠解各綱參價之原委也查每年奉發變價參餉原因內務府公用所需是以將此餘參

奏發變價充用乃兩淮欠繳價銀積至五綱之多間有墊解無非挪移庫款是徒有變價之名竝無變價之實況本年辛卯新綱欽奉

恩准減費輕本以利商運所有參價未經列入科則
之內此外亦無別項銀款可以挪墊可否仰懇
聖恩將此項參觔暫緩領變俟兩淮鹽務稍有起色
再行

奏請發領變價之處恭請

訓示遵行謹

奏

道光十一年五月初九日附片具

奏於六月初四日奉到

硃批內務府大臣等議奏欽此七月初四日

總管內務府

奏稱臣等伏查每年

盛京等三處進到參劬除揀選四等五等參劬留
備

內用併分

賞在京王公大臣等其五等參劬併每年由內交
出參劬分交兩淮粵海兩處照依例價加價售
變其由內交出之四等五等參劬專交兩淮售
變歷經遵辦在案所有參劬變價項下自丙戌
至庚寅五年除應交

內殿銀現已積至二十一萬餘兩均未解交外其餘係爲內務府各項經費併額

賞軍機處侍衛處鑾儀衛步軍統領衙門粘杆處上駟院

御茶膳房以及內務府各等處官員參銀之需亦積至七十五萬餘兩之多全未解交每年均須按款支發未便稍有短絀緣近年不能按期解到每遇各處支領勢不能不動支正款墊發設使陳欠不解新款不籌必致臣衙門墊款愈多經費不敷且歷年參勛原係發交兩淮商領變

價之物實非該商捐款可比近年以來我

皇上軫念淮商疲乏將應

進例貢大加裁汰併免積欠玉貢折價銀百數十萬兩又停止每年應解玉貢折價銀五十萬兩現又准緩交積欠銀五千九百餘萬兩又裁去雜費等銀亦不下數百萬兩凡恤商之法講求周備

聖恩高厚至優極渥今參劾變價銀款每年不過徵解二十餘萬兩淮商等屢經調濟自當徵發天良該督新立章程更宜逐款籌畫乃詎以鹽務

稍有起色再行領變並未議及欠款是既不欲
請領辛卯變價參餉又預爲不交五年積欠銀
兩地步查兩淮自丙戌等五年其發交變價參
二百九十七兩二兩五錢八分八釐其應交價
銀一百三萬四千七兩八錢二分內除交過銀
七萬兩尙欠交銀九十六萬四千七兩八錢二
分今該督奏稱兩淮欠繳參價積至五綱之多
間有墊解無非挪移庫款徒有變價之實等語
究竟參餉現在何處存貯是否淮商業經領變
原奏內均未聲敘

臣

等公同酌議如丙戌至庚

寅參劬尙未交商領變應請

飭交該督查明將前發印封參劬照數繳回容

臣等

將歷任辦理不善之鹽政查叅另議辦理如已
交商變價該督自應在於承領商人名下嚴催
徵解早清欠項又該督奏稱奉發參劬向係上
綱奉發之參派於下綱引內徵解查兩淮額定
一百六十九萬二千餘引一年參價即使按引
攤徵每引不過徵銀一錢數分亦不致虧成本
總之整頓鹺綱原爲

國家經費若徒事恤商不顧經費恐各處紛紛效

尤以調濟贖請將應交款項任意拖延於臣衙門經費倍形拮据所有本年應發兩淮變價參
勛應請

旨飭下兩江總督陶澍仍行派員赴京如數承領發
商變價俾符舊章以濟經費等因奉

旨依議欽此

恭報重運漕船全數渡黃完竣摺子

總翻會稿

奏爲恭報重運漕船全數渡黃完竣循例會摺具奏仰祈

聖鑒事竊照本年漕船行走順利併下游運河因起壩洩水險要情形節經恭摺奏

聞在案查三進軍船自浙江寧波後幫起至湖南三幫止其船一千八百一十二隻計三十九幫自三月三十日啓放禦壩清水暢出順流放渡極爲順利惟因揚糧廳鳳凰橋一帶吸溜甚大慎重挽渡倍極艱難兼之江廣船身笨重窮一日

之力僅得挽過三四十隻故河口一帶非不清
水敵黃而待船過渡總覺零星臣等節次添委
幹員前往下游會同叅將張兆等無分晝夜併
力催提截至四月二十八日已過三進船一千
五百零五隻適黃水於二十九日至初二日節
次報長後船又未全行跟接雖僅餘船三百有
零亦未敢拘泥守候致使黃水裡濠內塘受淤
卽於初二日將草閘及臨黃堰暫行堵閉併將
禦黃壩上下東岸緯隄掣塌舊護掃長一百零
七丈九尺一律補廂完整一面嚴催各船陸續

抵壩趕緊起除草開臨黃堰次第放渡截至五月初十日三進尾湖南三幫船四十八隻渡黃完竣統計本年全漕除黃河以北兌運二幫外實渡黃船九十八幫共四千三百八十七隻上年重運船九十八幫計船四千五百一十五隻係於閏四月十九日渡黃完竣本年計早九日道光九年重運船九十六幫計四千四百七十一隻係於四月二十九日渡黃完竣本年計遲十日道光八年重運船九十八幫計四千五百六十四隻係於四月十一日渡黃完竣本年計

遲二十九日伏查本年江浙漕船春間雨水甚多蘇常一帶河水充足渡江尙不遲滯惟南船半入運河而洪澤湖水驟見異漲淮揚一帶岌岌可危勢不得不於歸江各處急籌分洩而溯查舊案從無於重運盛行之時起壩洩水之事臣等分投照料實有顧此失彼之憂因創爲簽樁搭橋設關加緯之法節節挽渡溜力東趨船行北上橫流緯挽萬夫雲屯在事文武員弁無不各効全力如三閘之高下懸殊揚糧之急溜湍激惟以力求慎重又不得不較之往年添委

員弁多僱緯夫雖時日稍覺稽遲幫丁亦不無
多費而至險之處未損一船間有被溜吸入口
門仍復挽提入運全數北來實非臣等始願所
敢豫期尤幸清水暢出各船順流渡黃歷一月
之久免於起閉壩堰俾臣等得以西防洪湖異
漲之工東籌運河至險之地雖往來奔走頭緒
繁多較之往年照常辦理者難易迥殊然竟得
於夏至以前全漕渡黃完竣而洪湖水勢當盛
漲之時天晴無風旋即按日消落應行防護事
宜又得從容籌備卽下游洩水之處除歸江各

路飭令接啓外其高郵之車南中新等壩併可
毋庸早啟以保民田漕行順速湖河安恬實賴
我

皇上福庇所致臣等欣慶之餘尤深感幸現在邳宿
運河至楊莊一帶水仍充裕足資浮送截至五
月初五日止已出江南黃林莊境船三千零五
十隻此後江廣各幫經行吃水較多如水勢見
消照例由東省添啓湖口閘板俾資接濟亦不
致稍有阻滯所有重運漕船渡黃完竣緣由謹
循例由驛會摺

奏報伏乞

皇上聖鑒再 臣陶澍拜摺後卽回省辦事 臣吳邦慶
督押尾幫前進 臣張井亦卽前赴上下游各廳
查驗工程合併陳明謹

奏

道光十一年五月十一日會

奏五月二十五日奉到

硃批所辦甚合機宜深慰朕心欽此

請鼓勵催漕出力人員摺子

總漕會稿

奏爲催漕出力人員仰懇

恩施鼓勵恭摺

奏祈

聖鑒事竊照本年重運經行首二三進挽渡情形節

經臣等隨時

奏報在案伏查渡江以後由瓜口以至黃河綿長
四百餘里中間湖河閘壩緯挽提催寸節之地
稍有未周則稽延損失皆所不免而洪澤湖適
當異漲揚糧運河因啓放各處橋壩分洩歸江

吸溜堪虞新創橫流逆挽之法尤藉明練員弁
設法趕辦在事之文武各員不避艱險任怨任
勞或分駐閘壩專司關緯或迎至江口節節催
行或專司臨清攔黃兩堰以時啟閉或來往河
口照料渡黃無不奮勉趨公悉臻妥速而揚糧
廳所委員弁尤爲勤苦耐勞俾全漕得於大汛
以前全行渡黃惟人數較往歲稍多若以其著
有微勞概予保薦轉滋旨濫除由臣等分別存
記獎擢外謹擇其尤爲出力各員弁另繕清單

恭呈

御覽可否仰懇

天恩量予鼓勵之處出自

鴻慈謹不揣冒昧合詞恭摺具

奏伏乞

皇上聖鑒訓示祇遵謹

奏

再本年重運適值洪澤湖異常盛漲鳳凰壁虎
等橋壩既啟急溜疾趨勢同懸瀑人力難施幾
至截漕停渡惟河營叅將張兆及漕標守備劉
燦力肩重任設法經理竭四十餘晝夜之力得

以妥協蕺事其勞績實數倍於河口出力各員
查張兆前此已蒙

賞加副將陞銜併於嘉慶年間

賞戴花翎是以於另摺請

旨優敘其漕標揚州衛守備劉燦於嘉慶四年分發
到標歷今三十餘年於催漕事宜最爲熟悉開
緯一切極善經營是以至險之地未損一船該
守備先蒙

賞加都司陞銜復於上年冬間推陞江西臨江營都
司咨明俟漕竣送部引

見應卽給咨該守備赴部惟思漕務繁重此次設法
挽運事屬創始以後卽難保不別有艱鉅欲收
指臂之効端資幹練之員該守備劉燦在淮年
久遇有緊要事件實能諳悉情形辦理周妥若
令赴新選之缺在江西不過得一尋常營員而
漕務轉少一得用之人查推陞別省人員原不
得違例保留臣等何敢擅違定制冒昧乞

恩惟劉燦實爲漕務不可多得之人臣等公同再四

商酌謹合詞奏懇

殊可一而不可再後勿引以爲例也

天恩可否將揚州衛守備劉燦仍留本任遇有漕務

都司缺出酌量陞補其推陞臨江營都司之缺
勅部註銷另選俾臣等辦理重空較爲得手出自
鴻慈是否有當伏乞

訓示祇遵謹

奏

道光十一年五月十一日會

奏五月二十五日奉到

硃批另有旨欽此同日奉到道光十一年五月十七

日內閣奉

上諭陶澍等奏催漕尤爲出力人員懇恩鼓勵一摺

文武員弁催僨漕船本屬分內所當爲之事惟本年湖水異漲啟放禦黃壩浮送軍船湖河開壩繹挽提催較爲費手該員弁等不避艱險奮勉趨公俾全漕於大汛前全數渡黃辦理妥速自應量予恩施副將銜河營叅將張兆陞用知府裡河同知王廷彥俱著交部從優議敘淮安城守營叅將景興署淮安府知府通州直隸州知州周燾海安同知朱楹裡河營守備陳三貴海安營守備盧永盛江防營守備仲維新俱著賞加陞銜河標中營都司王永祥著以漕河兩營應陞之缺留江陞用前

署清河縣知縣通州州判陶焜午著俟服闋到江
以應陞之缺陞用奉賢縣南橋司巡檢陳良佐著
以應陞之缺陞用俸滿保送以營缺用之江淮八
幫千總尹湘興武七幫千總余紹洙江淮七幫千
總雲中鯤俱著留衛以衛守備儘先陞用大挑知
縣唐汝明著以應補河工佐貳儘先借補漕標留
標千總楊大勳漕標分發千總劉定泰俱著儘先
補用漕標分發千總顧浩姜松袁清泰俱著以本
班先補至另片奏漕標揚州衛守備劉燦已推陞
江西臨江營都司該員分發到標三十餘年於催

漕事宜最爲熟悉可否仍留本任等語劉燦著准其仍留本任遇有漕務都司缺出酌量陞補其推陞臨江營都司之缺著該部註銷另選此次允從所請係朕格外施恩可一而不可再後勿引以爲例欽此